

Қазақстан Республикасы Бас Прокурорының кейбір бұйрықтарына өзгерістер мен толықтырулар енгізу туралы

Күшін жойған

Қазақстан Республикасы Бас прокурорының 2011 жылғы 12 қыркүйектегі № 85 Бұйрығы. Қазақстан Республикасы Әділет министрлігінде 2011 жылы 7 қарашада № 7287 тіркелді. Күші жойылды - Қазақстан Республикасы Бас прокурорының 2017 жылғы 6 ақпандағы № 8 бұйрығымен

Ескерту. Күші жойылды – ҚР Бас прокурорының 06.02.2017 № 8 (алғашқы ресми жарияланған күнінен кейін күнтізбелік он күн өткен соң қолданысқа енгізіледі) бұйрығымен

Қылмыстық қудалау органдарында қылмыстар, оқиғалар туралы өтініштерді, хабарламаларды және өзге де ақпаратты қабылдау, тіркеу, есепке алу және қарау тәртібін бақылау бойынша ішківедомстволық қызметті одан әрі жетілдіру мақсатында, "Прокуратура туралы" Қазақстан Республикасы Заңы 11-бабының 4-1) тармақшасын басшылыққа ала отырып, **БҰЙЫРАМЫН:**

1. Қазақстан Республикасы Бас Прокурорының кейбір бұйрықтарына мынадай өзгерістер мен толықтырулар енгізілсін:

1) "Қылмыстық қудалау органдарының есепке алу-тіркеу тәртібін бақылау комиссиясы жөніндегі типтік ережені бекіту туралы" Қазақстан Республикасы Бас Прокурорының 2006 жылғы 6 ақпандағы № 8 бұйрығына (Нормативтік құқықтық актілерді мемлекеттік тіркеу тізілімінде № 4090 тіркелген):

көрсетілген бұйрықпен бекітілген Қылмыстық қудалау органдарының есепке алу-тіркеу тәртібін бақылау комиссиясы жөніндегі типтік ережеде:

2-тармақ мынадай редакцияда жазылсын:

"2. Комиссия қылмыстар, оқиғалар туралы өтініштерді, хабарламаларды, шағымдарды және өзге де ақпаратты қабылдау, тіркеу, есепке алу және қарау тәртібін толық және жан-жақты бақылау мақсатында құрылады.";

12-тармақтың 1) тармақшасы мынадай редакцияда жазылсын:

"1) ай сайын Қылмыстар, оқиғалар туралы өтініштерді, хабарламаларды және өзге де ақпаратты есепке алу кітабындағы (бұдан әрі – ӨАЕК) қылмыстар мен оқиғалар туралы ақпаратты есепке алудың толықтығына тексеру мен салыстыру жүргізеді;"

13-тармақтың 1) тармақшасы мынадай редакцияда жазылсын:

"1) айына бір реттен кем емес отырыс өткізуге тиісті ішкі істердің аумақтық органдарын қоспағанда, тоқсанына бір реттен кем емес өз отырыстарын өткізеді;"

16-тармақтың 3) тармақшасы мынадай редакцияда жазылсын:

"3) он күн сайын комиссия мүшелерімен бірлесіп, "дерек дәлелденбеген" деген белгі соғылған ӨАЕК-нда тіркелген қылмыстар туралы кейбір ақпаратқа қайта тексеруді жүзеге асырады. Тексеру нәтижелері бойынша осы Типтік ереженің № 1 қосымшасына сәйкес нысан бойынша акт толтырады;"

17-тармақ мынадай редакцияда жазылсын:

"17. Кезекші бөлімнің бастығы ӨАЕК-ң жүргізілуіне; орган хатшылығының бастығы кіріс хат-хабары журналының және жеке, заңды тұлғалардың өтініштері мен жүгінулерін есепке алу журналының жүргізілуіне бақылауды жүзеге асырады.";

18-тармақтың бірінші бөлігі мынадай редакцияда жазылсын:

"18. Есепке алудан жасырылған қылмыстар, оқиғалар туралы өтініштер, хабарламалар және өзге де ақпараттар бойынша есепке алу-тіркеу тәртібінің бұзылғандығын анықтау мақсатында, комиссия мүшелері ай сайын ӨАЕК мәліметтеріне мынадай деректермен:

- 1) кіріс хат-хабарларын есепке алу журналымен;
- 2) жеке және заңды тұлғалардың шағымдарын есепке алу журналымен;
- 3) сенім телефонына жасалған қоңырауларды есепке алу журналдарымен;
- 4) аумақтық тиесілігіне, тергеуге алынғандығына, соттылығына қарай жіберілген материалдар бойынша прокуратура және сот органдарымен салыстыру жүргізеді.";

19-тармақта:

3) тармақша мынадай редакцияда жазылсын:

"3) ӨАЕК мәліметтерін оқиға болған жерлерді, тұспалдарды қарауға криминалистерді жіберуді есепке алу журналдарына тіркелген қылмыстармен және оқиғалармен салыстыру;"

4) тармақша мынадай редакцияда жазылсын:

"4) ӨАЕК мәліметтерін хатшылықтың (кеңселердің), полицияның учаскелік пункттерінің есепке алу журналдарындағы қылмыстар, оқиғалар туралы өтініштердің, хабарламалардың және өзге де ақпараттың тіркелуімен, басқа да қызметтердің құжаттарымен салыстыру;"

Типтік ережеге 1, 2, 3-қосымшалар осы бұйрыққа 1, 2, 3-қосымшаларға сәйкес редакцияда жазылсын.

2) "Қылмыстық қудалау органдарының есепке алу-тіркеу тәртібін бақылау жөніндегі ішкі ведомстволық қызмет туралы" № 6 нысанды Мәліметтерді және олардың құрылуы жөніндегі Нұсқаулықты бекіту туралы" Қазақстан

Республикасы Бас Прокурорының 2006 жылғы 6 ақпандағы № 9 бұйрығына (Нормативтік құқықтық актілерді мемлекеттік тіркеу тізілімінде № 4091 тіркелген):

"Қылмыстық қудалау органдарының есепке алу-тіркеу тәртібін бақылау жөніндегі ішкі ведомстволық қызмет туралы" № 6 нысанды Мәліметтердің құрылуы жөніндегі Нұсқаулықта:

3-тармақ мынадай редакцияда жазылсын:

"3. Қазақстан Республикасының Ұлттық қауіпсіздік комитеті (бұдан әрі – ҰҚК), Қазақстан Республикасының Экономикалық қылмысқа және сыбайлас жемқорлыққа қарсы күрес агенттігі (қаржы полициясы) (бұдан әрі – ЭҚСЖҚКА), Қазақстан Республикасының Ішкі істер министрлігі (бұдан әрі – ИМ), Қазақстан Республикасының Қорғаныс министрлігі (бұдан әрі – ҚМ), Қазақстан Республикасының Төтенше жағдайлар министрлігі (бұдан әрі – ТЖМ), Қазақстан Республикасы Қаржы министрлігінің Кедендік бақылау комитеті (бұдан әрі – ҚМ КБК) органдары аталған статистиканың субъектілері болып табылады.";

6-тармақтың екінші бөлігі мынадай редакцияда жазылсын:

"Қылмыстық қудалаудың облыстық және соларға теңестірілген органдары ҰҚК, ЭҚСЖҚКА, ИМ, ҚМ, ТЖМ және ҚМ КБК органдарының орталық аппараттарына есептік кезеңнен кейінгі айдың 12 күніне тапсырады.";

15-тармақ мынадай редакцияда жазылсын:

"15. 11-бағанда Қылмыстар, оқиғалар туралы өтініштерді, хабарламаларды және өзге де ақпаратты есепке алу кітабында (бұдан әрі – ӨАЕК) тіркелмеген қылмыстар, оқиғалар туралы өтініштердің, хабарламалардың және өзге де ақпараттың саны бейнеленеді.

11-бағанда ескерілетін қылмыстар туралы тіркелмеген өтініштерге ӨАЕК-нда тіркелусіз және қабылданған іс жүргізу шешімінсіз қалған формальды түрде қылмыс белгілерінен тұратын өтініштер, хабарламалар және өзге де ақпараттар жатады.

Іс жүргізу шешімдері ӨАЕК-нда тиісті тіркеуден өтпей қабылданған өтініштер мен хабарламалар тек 6-бағанда ескеріледі.

12-15-бағандарда 11-бағаннан шығатын, оларды анықтаған бөлімшелерге байланысты қылмыстар, оқиғалар туралы ӨАЕК-нда тіркелмеген өтініштер, хабарламалар және өзге де ақпараттар көрсетіледі."

2. Қазақстан Республикасы Бас прокуратурасының Құқықтық статистика және арнайы есепке алу жөніндегі Комитеті (бұдан әрі – Комитет) осы бұйрықтың Қазақстан Республикасының Әділет министрлігінде мемлекеттік тіркелуін, оның ресми жариялануын қамтамасыз етсін және құқықтық статистика және арнайы есепке алу субъектілеріне орындау үшін жолдасын.

3. Осы бұйрықтың орындаулын бақылау Комитет Төрағасына жүктелсін.

4. Осы бұйрық ресми жариялануға жатады және 2012 жылдың 1 қаңтарынан бастап қолданысқа енгізіледі.

Қазақстан Республикасының

Бас Прокуроры

А. Дауылбаев

"КЕЛІСІЛГЕН"

Қазақстан Республикасы

Ұлттық қауіпсіздік комитетінің

Төрағасы

10 қазан 2011 ж.

Н. Әбіқаев

Қазақстан Республикасы

Экономикалық қылмысқа және

сыбайлас жемқорлыққа қарсы күрес

агенттігінің (қаржы полициясы)

Төрағасы

17 қыркүйек 2011 ж.

Қ. Қожамжаров

Қазақстан Республикасының

Ішкі істер министрі

16 қыркүйек 2011 ж.

Қ. Қасымов

Қазақстан Республикасының

Қорғаныс министрі

14 қыркүйек 2011 ж.

Ә. Жақсыбеков

Қазақстан Республикасының

Қаржы министрі

23 қыркүйек 2011 ж.

Б. Жәмішев

Қазақстан Республикасының

Төтенше жағдайлар министрі

7 қазан 2011 ж.

В. Божко

Қазақстан Республикасы

Бас Прокурорының

2011 жылғы 12 қыркүйек

№ 85 бұйрығына

1-қосымша

Қылмыстық қудалау органдарының

есепке алу-тіркеу тәртібін

бақылау комиссиясы жөніндегі

типтік ережеге

№ 1 қосымша

нысан

Қылмыстар, оқиғалар туралы өтініштерді, хабарламаларды және өзге де ақпаратты есепке алу кітабында (бұдан әрі – ӨАЕК) тіркелген қылмыстар туралы ақпаратты тексерудің нәтижесінде "дерек дәлелденбеген" деген белгі

қойған комиссияның бақылау тексерісінің _____

жылға арналған

АКТИСІ Біз, төмендегі қол қоюшылар _____

(есепке алу-тіркеу жұмысының инспекторы, қызметі мен шендері көрсетілген комиссия мүшелері) ӨАЕК-нда тіркелген ақпаратқа бақылау тексерісін жүргіздік, нәтижесінде қылмыстық қудалау органдарының қызметкерлері "дерек дәлелденбеген" деген белгі қойды.

№ р/с	Тіркеу нөмірі және күні	Ақпараттың дерек көздері мен мазмұны	Кім барды	Комиссия мүшелерінің қайсысы тексерген	Бақылау тексерісінің нәтижесі
1	2	3	4	5	6

Ескерту: "дерек дәлелденбеген" деген белгісі бар ақпарат іріктеп тексеріледі.

Салыстыру нәтижелері бойынша жасалған бұзушылықтарға түзетулер енгізілген, ӨАЕК-нда тіркеу жүргізілген.

Бақылау тексерісін жүргізген қызметкерлердің қолдары:

Қазақстан Республикасы
Бас Прокурорының
2011 жылғы 12 қыркүйек
№ 85 бұйрығына
2-қосымша
Қылмыстық қудалау органдарының
есепке алу-тіркеу тәртібін
бақылау комиссиясы жөніндегі
типтік ережеге
№ 2 қосымша
нысан

_____ жылға арналған
(ұйымның, кәсіпорынның атауы) -мен салыстыру жүргізу
АКТИСІ

№					
---	--	--	--	--	--

р/с	Жасалған қылмыстың күні мен уақыты	Қылмыстың мән-жайы, келтірілген залалдың сомасы	Органға кім хабарлаған, егер хабарланбаған болса, көрсетілсін	Хабарламаны кім қабылдаған (қызметі, атағы, тегі)	Қай органға тіркелген, тіркеу нөмірі мен күні
1	2	3	4	5	6

Ұйымның басшысы Орган бастығы
(қолы, тегі) (атағы, қолы, тегі)
М.О. М.О.

Қазақстан Республикасы
Бас Прокурорының
2011 жылғы 12 қыркүйек
№ 85 бұйрығына
3-қосымша
Қылмыстық қудалау органдарының
есепке алу-тіркеу тәртібін
бақылау комиссиясы жөніндегі
типтік ережеге
№ 3 қосымша
нысан

_____ жылға арналған
(медицина мекемесінің атауы) -мен салыстыру жүргізу
АКТІСІ

№ р/с	Келіп түскен (жүгінген) күні, қойылған диагнозы	Жарақаттанушының аты-жөні, туған күні	Оның тұрақты мекенжайы, қайдан келіп түскен	Хабарламаны қылмыстық қудалау органына кім берген, егер берілмеген болса, көрсетілсін	Хабарламаны кім қабылдаған (қызметі, атағы, тегі)	Қай органға тіркелген, тіркеу нөмірі мен күні
1	2	3	4	5	6	7

Ұйымның басшысы Орган бастығы
(қолы, тегі) (атағы, қолы, тегі)
М.О. М.О.